

Na osnovu člana 53. Zakona o mikrokreditnim organizacijama ("Službene novine Federacije BiH", broj: 59/06), čl. 5. stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj: 75/17), člana 12. stav (1) tačka d) Statuta Agencije za bankarstvo Federacije Bosne i Hercegovine ("Službene novine Federacije BiH", broj: 03/18), Upravni odbor Agencije za bankarstvo Federacije Bosne i Hercegovine, na sjednici održanoj 16.04.2018. godine donosi

ODLUKU
O IZMJENAMA I DOPUNAMA ODLUKE O UVJETIMA I POSTUPKU ZA
IZDAVANJE DOZVOLE ZA RAD I SAGLASNOSTI ZA STICANJE VLASNIČKIH
UDJELA ULAGANJEM I PRIJENOSOM IMOVINE MIKROKREDITNE FONDACIJE

Član 1.

U Odluci o uvjetima i postupku za izdavanje dozvole za rad i saglasnosti za sticanje vlasničkih udjela ulaganjem i prijenosom imovine mikrokreditne fondacije ("Službene novine Federacije BiH", broj: 27/07), mijenja se član 10. stav (1) i sada glasi:

„(1) Protiv rješenja FBA se može izjaviti žalba nadležnom drugostepenom organu.“

U članu 10. se dodaje novi stav (2), koji glasi:

„(2) Postupak po žalbi provodi se u skladu sa propisom kojim se reguliše rad FBA i provedbenim propisima FBA.“

Član 2.

Ova odluka stupa na snagu osmog dana od dana objavljivanja u "Službenim novinama Federacije BiH".

Broj: U.O.-19-07/18
Sarajevo, 16.04.2018. godine

PREDSJEDNICA
UPRAVNOG ODBORA

mr. sc. Ljerka Marić, dipl.ecc.

Obrazloženje:

Zakonski osnov usvajanja Odluke:

Član 5. stav (1) tačka h) i član 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj: 75/17),

Razlozi donošenja Odluke:

Ova Odluka se predlaže na usvajanje, sa ciljem usaglašavanja postupanja Agencije sa odredbama Zakona o Agenciji za bankarstvo Federacije Bosne i Hercegovine ("Službene novine Federacije BiH", broj: 75/17), i to u dijelu koji se odnosi na postupanje Agencije kada se izjavljuje žalba na prvostepene akte Agencije (član 13. Zakona), te Statuta Agencije za bankarstvo Federacije Bosne i Hercegovine („Službene novine Federacije BiH“, broj: 3/18), u dijelu postupanja Komisije za odlučivanje po žalbi protiv prvostepenih akata Agencije (Drugostepena komisija).

U konkretnom slučaju se misli na nadležno postupanje Drugostepene komisije na eventualno izjavljene žalbe MKO lizing društva u postupku izdavanju dozvole za rad i stjecanje vlasničkog udjela. Prije navedene izmjene, član 10. Odluke je glasio:

Rješenje FBA je konačno i protiv istog se može pokrenuti upravni spor tužbom pred nadležnim sudom.

Budući da je stupio na snagu novi Zakon o Agenciji za bankarstvo FBiH i novi Statut Agencije koji uspostavljaju Drugostepeni postupak u Agenciji, predlaže se da se postojeća Odluka u članu 10. izmijeni i dopuni u dijelu postupanja Drugostepene komisije.

Bitno je naglasiti da Zakon o MKO nije usaglašen sa odredbama Zakona o Agenciji za bankarstvo FBiH po pitanju satusa rješenja Agencije, odnosno da se u članu 12. Zakona o MKO navodi da su rješenja Agencije konačna, a da se protiv istih tužbom može pokrenuti upravni spor.

Budući da nije poznato kada se može očekivati usvajanje novog Zakona o MKO (u postupku je izrada novog Zakona) sa izmjenama koje se odnose na usaglašavanje navedenih odredbi, predlaže se kako je gore navedeno.

Napomena: Odjel za propise je sa predloženom odlukom upoznao Sektor za nadzor poslovanja MKO.

Odjel za propise

Kusturica Edis